



## Priprema vjenčanja u Švicarskoj

Vjerenik tj. vjerenica sa prebivalištem u BiH svoj zahtjev za pripremu vjenčanja predaje u Ambasadi u Sarajevu (obavezan lični dolazak uz prethodno dogovoren termin na broj telefona 00 387 33 275 862 ili 00 41 58 484 55 59 u vrijeme od ponedjeljka do četvrtka 14:30-16:00 sati). Zahtjev se dalje šalje u Regionalni konzularni centar u Beču. Po prijemu zahtjeva Regionalni konzularni centar u Beču stupa u kontakt sa podnosiocem zahtjeva radi zakazivanja termina za njegov tj. njen lični dolazak u RKC u Beč. Tek nakon tog ličnog dolaska u Beč zahtjev se može proslijediti nadležnom matičnom uredu u Švicarskoj. Želimo Vam skrenuti pažnju na to da je za predavanje zahtjeva za vjenčanje u Švicarskoj neophodno da podnosilac zahtjeva sa prebivalištem u BiH lično dođe kako u Ambasadu u Sarajevu, tako i u Regionalni konzularni centar u Beču. Međutim, za predavanje zahtjeva za spajanje porodice (nakon već obavljenog vjenčanja) dovoljan je lični dolazak samo u Ambasadu u Sarajevu.

**Za predavanje zahtjeva u Švicarskoj ambasadi u Sarajevu potrebni su sljedeći dokumenti:**

**Dokumenti vjerenika tj. vjerenice sa prebivalištem u Švicarskoj:**

- Kopija švicarskog pasoša ili švicarske lične karte
- tj. kopija pasoša druge države i kopija dozvole boravka

**Dokumenti vjerenika tj. vjerenice sa prebivalištem u BiH, mjestom rođenja u BiH i biometrijskim pasošem BiH (ako nešto od toga nije slučaj, molimo najprije telefonom tražiti informaciju – 00 387 33 275 862 ili 00 41 58 484 55 59):**

- Internacionalni izvod iz matične knjige rođenih iz matičnog ureda nadležnog za mjesto rođenja
- Uvjerenje o prebivalištu sa pečatom Apostille i prevodom
- Uvjerenje o slobodnom bračnom stanju sa pečatom Apostille i prevodom. Važno: Izraz "slobodnog bračnog stanja" nije dovoljno precizan za švicarske službe – potrebno je tražiti da bude jasno navedeno da li je osoba ikada sklapala brak, kao i da li je eventualni prethodni brak prestao razvodom ili smrću.
- *ili*  
Uvjerenje o svim naknadnim upisima i bilješkama u matičnoj knjizi rođenih sa pečatom Apostille i prevodom
- Za razvedene: Presuda razvoda braka sa pečatom pravosnažnosti, pečatom Apostille i prevodom
- Za udovce tj. udovice: internacionalni izvod iz matične knjige umrlih preminulog supružnika
- Uvjerenje o osuđivanosti ili neosuđivanosti sa pečatom Apostille i prevodom
- Sudsko uvjerenje o nevođenju krivičnog postupka, sa pečatom Apostille i prevodom
- Važeći pasoš na uvid
- Kopija pasoša
- 3 fotografije
- 3 popunjena obrasca zahtjeva za vizu D

[https://www.eda.admin.ch/dam/countries/countries-content/bosnia-herzegovina/Zivilstandsangelegenheiten\\_Merkblaetter\\_DE\\_BiH/Antragsformular\\_VisumD\\_bos%20DE.pdf](https://www.eda.admin.ch/dam/countries/countries-content/bosnia-herzegovina/Zivilstandsangelegenheiten_Merkblaetter_DE_BiH/Antragsformular_VisumD_bos%20DE.pdf)

***Nastavak na narednoj stranici***

**Troškovi (gotovinsko plaćanje na šalteru):**

Priprema vjenčanja = 530 KM

Taksa za obradu zahtjeva za vizu = 120 KM  
(trenutne takse, ovisne o promjeni kursa valute)

**Važno:**

- Nijedan dokument (osim pasoša, eventualne presude ili odluke) ne smije biti stariji od 6 mjeseci.
- Pečatom Apostille moraju biti ovjereni **originalni dokumenti** (ne prevodi!). Ovjera pečatom Apostille se vrši u općinskom tj. osnovnom sudu nadležnom za mjesto izdavanja dokumenta koji se ovjerava.
- Prihvataju se isključivo prevodi sudskih tumača za njemački, francuski ili italijanski jezik.
- Svi dokumenti su namijenjeni za švicarske službe i stoga ne mogu biti vraćeni.
- Švicarske institucije (uključujući Ambasadu) mogu po potrebi tražiti dodatne dokumente i informacije, a nije isključena ni mogućnost dodatnih troškova.